

i FLETËUDHËZUES I PAKETIMIT:
Informacion për pacientin

STOMAKURAN

Pezulli – 40 %
(Sulfanilamid)

Lexojeni me kujdes këtë fletëudhëzues përpara se të filloni përdorimin e barit.

- Ruajeni këtë fletëudhëzues. Mund të keni nevojë ta lexoni përsëri.
- Në qoftë se keni pyetje të mëtejshme, pyesni mjekun ose farmacistin tuaj.
- Ky bar është përshkruar për ju. Mos e jepni tek persona të tjerë. Mund t'i dëmtojë ata edhe pse mund të kenë të njëjtat simptoma si ju.
- Në qoftë se ndonjë prej efekteve anësore keqësohet ose në qoftë se vëreni ndonjë efekt tjetër anësor që nuk përmendet në këtë fletëudhëzues, ju lutemi të njoftoni mjekun ose farmacistin tuaj.

Në këtë fletëudhëzues:

- Çfarë është Stomakuran dhe përse përdoret
- Përpara se të përdorni Stomakuran
- Si ta përdorni Stomakuran
- Efekte anësore të mundshme
- Si ta ruani Stomakuran
- Informacion i mëtejshëm

1. ÇFARË ËSHTË STOMAKURAN DHE PËRSE PËRDORET

Stomakuran ka në përbërjen e tij si lëndë vepruese sulfanilamid, që është një antibakterial i cili përdoret dëndur kundër organizmave gram-negativë. Sulfanilamidi shkatërron ose ndalon shtimin e baktereve duke bllokuar tek bakteret acidin para-aminobenzoik, i nevojshëm për sintezën e acidit folik.

Stomakuran përdoret për trajtimin e lezioneve të kavitetit të gojës, sidomos në rastet akute të tonsilitit folikular dhe Str. Haemolyticus.

2. PËRPARA SE TË PËRDOJNI STOMAKURAN

Mos përdorni Stomakuran:

- në qoftë se jeni i ndjeshëm (alergjik) ndaj sulfanilamidit ose ndaj ndonjërit prej përbërësve të tjerë të Stomakuran;
- në qoftë se keni shumë të vaskularizuara mukozat e gojës, sidomos kur jeni me temperaturë ose pas marrjes së nitroglicerinës sublinguale kur vuani nga angina pectoris.

Përdorimi i Stomakuran nuk rekomandohet gjatë shtatzënisë dhe ushqimit të fëmijës me gjii.

Tregoni kujdes të veçantë me Stomakuran

Pyesni mjekun tuaj përpara se të përdorni Stomakuran.
Lënda vepruese e Stomakuran, sulfanilamidi,

është një sulfonamid me veprim të shkurtër.

- Përdorimi i sulfonamideve duhet të ndalohet menjëherë në qoftë se shfaqet rash për shkak të rrezikut të zhvillimit të reaksioneve të rënda alergjike siç është sindroma Stevens-Johnson.
- Sulfonamidet nuk jepen zakonisht në foshnjat deri në 2 muajsh për shkak të mundësisë së shfaqjes së kernikterus, e njëjta arsye për të cilën këto barna janë të kundërintikuara në gratë shtatzëna para lindjes.

Marrja e barnave të tjera:

Ju lutemi të kontaktoni me mjekun ose farmacistin tuaj në qoftë se jeni duke marrë / përdorur ose keni marrë / përdorur kohët e fundit barna të tjera, përfshirë ato të marra pa recetë. Mos harroni të informoni mjekun tuaj për trajtimin me Stomakuran në qoftë se ju jepet ndonjë bar tjetër gjatë trajtimit. Stomakuran përmban si lëndë aktive sulfanilamid i cili është një sulfonamid.

- Sulfanilamidi nuk duhet përdorur njëkohësisht me nitroglicerininë sublinguale sepse në angina pectoris mukoza e gojës është shumë e vaskularizuar.
- Veprimi i sulfonamideve mund të antagonizohet nga acidi para-aminobenzoik dhe derivatet e tij, në veçanti aminobenzoati i kaliumit dhe grupi prokainik i anesteziqëve lokalë.
- Sulfonamidet mund të rrisin efektin e disa barnave të tilla si antikoagulantët oralë, metotreksati dhe fenitoina.
- Duhet marrë parasysh edhe mundësia e ndërveprimit me barna të tjera të cilat lidhen shumë me proteinat, siç janë barnat AIJS.
- Është raportuar se sulfonamidet mund të ndikojnë në disa analiza diagnostikuese të tilla si ato për: urenë, kreatininën, glukozën në urinë dhe urobilinogjenin.

Përdorimi i Stomakuran me ushqim dhe pije

Lëngjet dhe ushqimet nuk rekomandohen të merren gjatë lyerjeve të mukozave të gojës me Stomakuran sepse kështu largohet sulfanilamidi nga pështyma dhe mukozat e kavitetit të gojës.

Shtatzënia

Ekziston rreziku i dëmtimit të fetusit nga sulfanilamidi.

Përdorimi i Stomakuran nuk rekomandohet gjatë shtatzënisë. Sulfonamidet, grupi i barnave ku ai bën pjesë, mund të zhvendosin bilirubinën e lidhur në serum. Për këtë arsye, përdorimi i tyre duhet evituar në gratë shtatzëna, sidomos afër lindjes, për shkak të rrezikut të shfaqjes së kernikterus tek foshnjat.

Sulfonamidet mund të përdoren në shtatzëni vetëm në mungesë të një alternative tjetër. Prandaj, gjithmonë duhet të konsultoheni me mjekun tuaj përpara se të përdorni Stomakuran gjatë shtatzënisë.

Ushqimi me gjii

Sulfanilamidi, sado pak të përthithet, kalon në qumështin e gjirit dhe prandaj nuk duhet të përdoret gjatë ushqimit të foshnjes me gjii.

Drejtimi i automjetit dhe përdorimi i makinerive

Nuk ka të dhëna që ky preparat mund të ndikojë në aftësinë për të drejtuar automjetin dhe përdorur makineri.

3. SI TA PËRDOJNI STOMAKURAN

Gjithmonë përdorni Stomakuran sipas këshillës së mjekut tuaj. Në qoftë se nuk jeni i sigurt kontaktoni me mjekun ose farmacistin. Në qoftë se ndjeni që efektet e Stomakuran janë shumë të forta ose shumë të dobëta, flisni me mjekun ose farmacistin tuaj. Stomakuran është një pezulli që para se të përdoret duhet të tundet mirë deri në homogjenizim të plotë. Pastaj me një tampon pambuku bëhet lyerja e mukozave të gojës dhe mishrave të dhëmbëve.

Në qoftë se keni përdorur më shumë Stomakuran:

Në qoftë se keni përdorur më shumë Stomakuran, ose në qoftë se fëmijët e kanë marrë gabimisht këtë bar, ju lutemi të kontaktoni mjekun tuaj, spitalin ose të telefononi urgjencën për të marrë një mendim për rrezikun dhe këshillë për veprimet që duhet të ndërmerren. Të dhënat rreth mbidozimit me sulfanilamid janë mjaft të kufizuara. Mbidoza mund të shoqërohet me shtimin e efekteve anësore të raportuar nga sulfonamidet. Methemoglobinemia është raportuar pas mbidozimit.

Në qoftë se keni harruar të përdorni Stomakuran:

Në qoftë se harroni të përdorni një dozë, përdorni dozën pasardhëse kur të jetë koha për përdorimin e zakonshëm të saj. Mos përdorni një dozë të dyfishtë për të plotësuar dozën e harruar. Në qoftë se keni pyetje të mëtejshme mbi përdorimin e këtij produkti, pyesni mjekun ose farmacistin tuaj.

4. EFEKTE ANËSORE TË MUNDSHME

Si të gjitha barnat e tjera, Stomakuran mund të shkaktojë efekte anësore, megjithëse jo çdokush i manifeston.

Pjesa më e madhe e efekteve anësore janë të lidhura me dozën dhe zhduken kur doza reduktohet ose trajtimi ndërpritet. Disa efekte anësore mund të ndodhin në fillim të trajtimit dhe zhduken në mënyrë spontane me vazhdimin e mjekimit. Reaksionet më të zakonshme janë reaksionet alergjike si: puçrra, urtikarie, fryrje të gojës, fytyrës, buzëve dhe gjuhës. Ka raste kur shfaqen kruarje të pazakonta, temperaturë dhe djegie.

Sulfonamidet mund të zhvendosin bilirubinën e lidhur në serum duke shkaktuar shfaqjen e kernikterus tek foshnjat.

Në qoftë se ndonjë prej efekteve anësore përkeqësohet, ose në qoftë se vëreni efekte anësore që nuk përmenden në këtë fletëudhëzues, ju lutemi të lajmëroni mjekun ose farmacistin tuaj.

5. SI TA RUANI STOMAKURAN

Mbajeni larg fëmijëve.

Mos e përdorni Stomakuran pas datës së skadimit e cila është e shënuar në paketim. Mos e ruani në temperaturë mbi 25°C.

Ruajeni në paketimin original për ta mbrojtur nga drita. Pas përdorimit duhet ta mbyllni mirë shishen me kapakun e saj.

6. INFORMACION I MËTEJSHËM

Çfarë përmban Stomakuran

Lënda vepruese është sulfanilamid. Çdo shishe përmban sulfanilamid në masën 40 % (6 g / 15 g pezulli). Përbërësit e tjerë janë: laktat i etakridinës, blumetilen, sulfat i 8-hidroksikinolinës, ekstrakt sherebele, ekstrakt kamomili, nitrofurazon, polisorbitat 80, glicerinë, ujë i pastruar, alkool etilik.

Përmbytja e paketimit

Forma e paketimit është:

kuti me 1 shishe me një përmbytje prej 15 g.

Shpjegues i ikonave ilustruese për paketim:



Sipas recetës së mjekut.



Përmbytja.



Kujdes.



Suspension.

Mbajtësi i autorizimit për tregtim (MAT) dhe prodhuesi:



PROFARMA Sh.a.
Rruga "Myslym Keta"
Tel.Fax: 00 355 4 23 62 800
Tiranë - SHQIPËRI

Ky fletëudhëzues u rishikua për herë të fundit në Tetor 2013.

PAY ATTENTION, all the layers are visible.

If you have to print this document please check or uncheck the specific layers.

SPECIFICATION

CROPING AREA 12 x 19 cm